

陳山聰早前出席無綫劇《奪命提示》宣傳活動時，曾揚言手持大量同劇演員的「睡照」！前日他終於找數，在社交網上載自己的瞓覺相，並hashtag「瞓覺相 Challenge」，叫「隊友」一齊玩！當中以郭柏妍的「立睡」最特別，原來當日她發高燒拍劇，一有空檔便爭取休息，難怪企棟棟亦可瞓着。

陳山聰找數 發起「瞓覺相 Challenge」

郭柏妍發高燒 可愛「立睡」曝光

陳山聰前日在社交網率先發起「瞓覺相 Challenge」，身為潮人的他睡着時不自覺Chok甫，被張振朗取笑留言：「阿頭，犯晒規咯，瞓覺都可以咁型！」未幾，振朗、劉佩玥、劉穎璇（Tiffany）、丁子朗（丁丁）及郭柏妍（Rosita）相繼上載瞓覺相，當中最特別是丁丁「半開眼瞓覺相」及Rosita的「企棟棟瞓覺相」！對於丁丁能睜開眼睡覺，山聰搞笑留言：「我有理由懷疑你係反我眼！」振朗則留言：「你唔好有事！」至於Rosita站立式睡覺，則獲拍檔封為「可愛睡模」。

張振朗分享瞓覺必靚秘訣

原來Rosita的企棟棟睡姿背後有段古！她當日發高燒，但不

■丁丁半開眼睡覺。

■郭柏妍發高燒開工，一有空檔便休息。



■瞓眼看，以為振朗將腳放在劉穎璇的美腿上。

想影響劇組拍攝進度，她未有透露生病。她受訪時表示當時真的很辛苦：「嗰時病得好緊要，同埋發好高燒，但因為Rundown已經排晒，當日我拍嗰場被綁架戲，涉及好多唔同嘅工作單位，如果甩咗呢場，我怕會浪費好多人力物力，所以我頂硬上。劇組好好，喺唔需要我嘅場口畀我休息，瞓一瞓好好多。」

至於振朗與Tiffany的「同框瞓覺甫士」，被監製取笑「識睇梗係睇腳」！因為瞓眼看振朗似將腳放在Tiffany的腳上睡覺，但實情是角度問題，Tiffany搞笑叫振朗「Please move your leg」，相當有趣。振朗搞笑分享瞓覺必靚秘訣：「識瞓一定係Gel晒頭、着晒皮褸，或者着禮服瞓覺，咁喺呢個世界就冇人可以影到我樣衰嘅瞓覺相。」

■山聰托頭睡姿被讚有型。

■企棟棟瞓覺唔係人人都得。

接全裸工作
袁偉豪體驗人生

袁偉豪近日接受資深製作人楊紹鴻訪問，談到他曾接全裸工作，他說：「嗰時我25歲，做咗幕後工作，得閒就搵兼職，咁啱喺網上見到有啲畫家定期做人體素描，問我有冇興趣。當時拍拖嘅朋友仔性格比較洋化，就鼓勵我去嘗試，咁我又覺得人生係要多啲經驗，所以就膽粗粗去試。」提到他近年曝光率大減，袁偉豪坦言：「以前好多嘢做，因為我夠搏，到公司想擺我去另一個位置，我又跟住做。但去到公司轉高層、轉格局時，冇咗嗰班人搵我做嘢，要重新去建立。呢五六年我係好少嘅電視出現，因為由本地公司製作，開始到同內地合拍，一年開一兩套劇，或者係兩年先拍一套，咁大家咪少咗見我囉！」

■袁偉豪承認近年曝光率大減。



廣末提早獲釋
向傳媒鞠躬道歉



■廣末離開警署時面容憔悴。



■廣末鞠躬道歉。

44歲日本女星廣末涼子本月7日駕車時發生意外，與貨車相撞後送醫，情緒失控踢傷女護士被捕。她接受抽血及驗尿等藥物測試後，證實體內對毒品呈陰性反應，警方搜查其寓所後亦沒發現藏有違禁藥物，原定羈押至本周六的她提早獲釋。昨晨她化上淡妝、全黑打扮離開拘留地點濱松西警察署。

面對大批傳媒，一臉憔悴的她未有發言，僅鞠躬約3秒後便登車離開，她在車內與多名男士對話時才露出笑容。

廣末獲釋後，仍會就案件繼續接受調查。據知，廣末方面正與被打傷的女護士交涉和解，其事務所昨日亦再在官網發聲明，再次向受害人及外界道歉。